

Kukkunersiuisut akuerisaasut soraarummeertarnerat il. il. pillugit Kalaallit Nunaannut nalunaarut

Kukkunersiuisut aamma suliffeqarfiit kukkunersiuinermik suliaqartut akuerisat pillugit inatsimmi § 3 a, imm. 2, aamma § 33, imm. 1 aamma 2 malillugit, kunngip peqqussutaatigut nr.219 af 7. marts 2023.-kkut Kalaallit Nunaannut atuutilersinneqartumi, aalajangersarneqarpoq:

Kapitali 1

Kukkunersiuisunut soraarummeernerit aamma misilitsinnerit

§ 1. Kukkunersiuisunut naalagaaffimmit akuerisanut soraarummeerneq (Kukkunersiuisut soraarummeernerat) allattariarsornermik aamma oqaluttariarsornermik misilitsinnermik imaqarpoq.

Imm. 2. Immikkut misilitsinneq, tak. kukkunersiuisut pillugit inatsimmi § 9, imm. 3, kunngip peqqussutaatigut Kalaallit Nunaannut atuutilersinneqartumi.

Imm. 3. Inunnut piukkunnaateqarneq pillugu misilitsinneq, nunani allani inatsisitigut pisussaaffiusumik kukkunersiuinissamut akuerisanut, oqaluttariarsornermik misilitsinnermik imaqarpoq.

§ 2. Revisorrådetimit ivertinneqartup soraarummeerneq pillugu ataatsimiititaliap, tak. Revisorrådeti pillugu nalunaarut, soraarummeernerit aamma misilitsinnerit § 1-imi taaneqartut allaffissornermik isumagineqarneranni Erhvervsstyrelseni ikiussavaa.

Imm. 2. Soraarummeernerit aamma misilitsinnerit § 1-imi taaneqartut FSR - danskinit kukkunersiuisunit ingerlanneqassapput.

Imm. 3. Oqaluttariarsornermik soraarummeernerit aamma misilitsinnerit tamanut ammasuupput. Erhvervsstyrelsenip oqaluttariarsornermik soraarummeernerni aamma misilitsinnerni nalilersuinerit malinnaaffigisinnaavai styrelsenip nakkutilliinermik suliaqarneranut atatillugu, tak. kukkunersiuisut pillugit inatsimmi § 32, kunngip peqqussutaatigut Kalaallit Nunaannut atuutilersinneqartumi.

Imm. 4. Soraarummeernernut aamma misilitsinnernut § 1-imi taaneqartunut peqataanermut FSR - danskinit kukkunersiuisunut akiliisoqassaaq. Akiliinerup soraarummeernerup ingerlanneqarnissannut aningaasartuutit pisariaqartut matussusissavai, tassunga ilagitillugit akissarsianut aamma allaffissornermut aningaasartuutit. Betalingen er ens for alle deltagere ved en eksamen. Akiliineq imatut aalajangersarneqassaaq, soraarummeernerit aamma misilitsinnerit § 1-imi taaneqartut ingerlanneqarnerinut aningaasartuutit tamakkerlugit matussuserneqarnissaat anguneqassalluni, aammalu ukiuni 4-ni piffissami ingerlaavartumi oqimaaqatigiissitsineq anguniarneqassalluni. Sinneqartoorutaasinnaasut imaluunniit amigartoorutaasinnaasut FSR - danskinit kukkunersiuisunit isumagineqassapput.

Kapitali 2

Soraarummeernernut aamma misilitsinnernut innersuussuteqarnermut piumasaqaatit

Kukkunersiuisutut soraarummeerneq

§ 3. Kukkunersiuisutut soraarummeernermit allattariarsornemik misilitsinnermut innersuunneqarnissamut piffissarititaasumi nalunaarnissamut piumasaqaataapput:

1) Tulliuttut arlaat

a) kukkunersiuisutut kandidatitut soraarummeernermi (cand.merc.aud.) angusisimanissaq, imaluunniit

b) kandidatitut soraarummeernermi allami angusisimanissaq, aammalu § 5, imm. 1-imi aamma 2-mi piumasaqaatit naammassisimanissaat.

2) 18-inik ukioqalereersimanermi suliassanik ingerlatsinermi ikinnerpaamik ukiuni pingasuni peqataaneq, kukkunersiuisut naalagaaffimmit akuerisat atuuffiani suliaqarfinnut attuumassuteqartunik, tak. kukkunersiuisut pillugit inatsimmi § 1, imm. 2 aamma 3, kunnigip peqqussutaatigut Kalaallit Nunaannut atuutilersinneqartumi, suliffeqarfimmi kukkunersiuinermik suliaqartumi kukkunersiuisumit akuerisamit nakkutigineqartumik, aammalu kandidatitut ilinniarnep, tak. nr. 1, angusiffiuneraniit minnerpaamik ukioq ataaseq ingerlasimappat, aammalu kukkunersiuisutut soraarummeernermit nalunaarnissamut piffissarititaasoq sioqqullugu minnerpaamik ukiut marluk ukiut pingasut kingulliit iluini inissisimasimappata.

Imm. 2. Imm. 1, nr. 2-mi piumasaqaat, tamatuma kingorna kandidatitut ilinniarnermi angusereersimanermi, aammalu nalunaarnissamut piffissarititaasoq sioqqullugu minnerpaamik ukiuni marlunni peqataaneq ukiut pingasut kingulliit iluini inissisimasimappat, naammassineqarsimasutut isigineqassaaq, tassani allatsissimasup kingusinnerpaamik allattariarsornermik misilitsinnissaq sioqqullugu uppersassallugu, misilitsinnissaq sioqqullugu peqataaneq pisimasoq.

Imm. 3. Erhvervsstyrelsenip imm. 1, nr. 2-mi aalajangersagaq immikkut akuersissuteqarnikkut saneqqussinnaavaa, tassunga ilagitillugu nunami allami Danmark-imiunngitsoq misilittagaqalersimaneq tunngavigalugu. Styrelseni taamaallaat ukioq ataaseq angullugu immikkut akuersissuteqarsinnaavoq suliffeqarfimmi kukkunersiuinermik suliaqartumi misilittagaqarnermut atatillugu. Immikkut akuersissuteqarnissamut noqqaassuteqarneq Erhvervsstyrelsenimi tiguneqareersimassaaq ukiumi pineqartumi kingusinnerpaamik ulloq 1. maj.

§ 4. Kukkunersiuisoq nalunaarsorneqarsimasoq, kukkunersiuisut aamma suliffeqarfiit kukkunersiuinermik suliaqartut akuerisat pillugit Erhvervsstyrelsenip nalunaarsuiffianni, tak. kukkunersiuisut pillugit inatsimmi § 2, kunnigip peqqussutaatigut Kalaallit Nunaannut atuutilersinneqartumi, kukkunersiuisutut soraarummeernermit innersuussuteqarsinnaavoq.

§ 5. Kandidatitut soraarummeerneq, tak. § 3, imm. 1, nr. 1, litra b, danskit imaluunniit nunami allamiut ilinniagaqarnerinik angusiffiusimasunik ilaqaarluni minnerpaamik

1) kukkunersiuisutut kandidatitut ilinniarnermik (cand.merc.aud.) aallartinnissamut piumasaqaatinik naammassinnissaq, aammalu

2) kukkunersiuinermik, naatsorsuuserinermik, akileraartarnermik aammalu inuussutissarsiuutinut sammisunik faginik imaqassaaq, kukkunersiuisutut kandidatitut ilinniarnermi (cand.merc.aud.) faginut piumasaqaataasunut assingusunik, aammalu minnerpaamik 60 ECTS-pointinik annertussuseqartunik.

Imm. 2. Kandidateq, § 3, imm. 1, nr. 1, litra b tunuliaqutaralugu innersuuttoq, allattariarsornermut misilitsinnissamut innersuussuteqarnerminut ilinniartoqarfimmiit kukkunersiuisutut kandidatitut (cand.merc.aud.) ilinniarnermik ingerlatsisumiit oqaaseqaat ilanngutissavaa, tassani allaqqassallutik

1) kandidatip kukkunersiuisutut kandidatitut ilinniarnermut (cand.merc.aud.) tiguneqarnissamut piumasaqaatit naammassigai, aamma

2) kandidatip kukkunersiuinermik, naatsorsuuserinermik, akileraartarnermik aammalu inuussutissarsiuutinut sammisunik fagii kukkunersiuisutut kandidatitut ilinniarnermi (cand.merc.aud.) faginut piumasaqaataasunut assingusut.

§ 6. Kukkunersiuisutut soraarummeernermit allattariarsornikkut misilitsinneq ukiumut ataasiarluni ukiup ataatsip affaata aappaani ingerlanneqartassaaq. Oqaluttariarsornikkut misilitsinneq ukiumut marloriarluni ingerlanneqartassaaq, ataasiarluni ukiup ataatsip affaata siuliani aammalu ataasiarluni ukiup ataatsip affaata aappaani.

Imm. 2. Soraarummeernissamut innersuussuteqarluni qinnuteqaat FSR - danskit kukkunersiuisunut tunniunneqassaaq, FSR - danskinit kukkunersiuisunit aalajangersarneqartumik ilusilerlugu.

Imm. 3. Allattariarsornikkut misilitsinnissamut innersuussuteqarluni qinnuteqaat FSR - danskit kukkunersiuisuniit kingusinnerpaamik ukiumi pineqartumi 1. juni tiguneqareersimassaaq. Qinnuteqaat kandidatip oqaluttariarsornermik misilitsinnermut tulliuuttumut nalunaarnissamut kissaateqarnera pillugu paasissutissamik imaqassaaq, allattariarsornikkut misilitsinneq angusiffiusimappat.

Imm. 4. Oqaluttariarsornikkut misilitsinnissamut innersuussuteqarluni qinnuteqaat ukiumi pineqartumi ukiup aappaata siulianoortumut kingusinnerpaamik 1. juni aammalu kingusinnerpaamik ukiup aappaata tullianoortumut 1. oktober FSR - danskit kukkunersiuisuniit tiguneqareersimassaaq.

Imm. 5. Allattariarsornikkut misilitsinnissamut peqataaniarunnaarneq FSR - danskit kukkunersiuisuniit tiguneqareersimassaaq kingusinnerpaamik misilitsinnissaaq ullunik arfineq marlunnik sioqqullugu, tak. imm. 6. Oqaluttariarsornikkut misilitsinnissamut peqataaniarunnaarneq FSR - danskit kukkunersiuisuniit ukiumi pineqartumi tiguneqareersimassaaq kingusinnerpaamik 15. april ukiup affaata siuliani misilitsinnermut aammalu kingusinnerpaamik 15. oktober ukiup affaata aappaani misilitsinnermut.

Imm. 6. Allattariarsornikkut misilitsinnerup aamma oqaluttariarsornikkut misilitsinnerup ullui ukiumoortumik tamanut FSR - danskit kukkunersiuisut nittartagaatigut saqqummiunneqartassapput aammalu kingusinnerpaamik ulloq 31. marts.

Imm. 7. Erhvervsstyrelseni pisuni immikkut ittuni immikkut akuersissuteqarnikkut imm. 3-5-imi piffissarititaasunik saneqqussisinnaavoq.

§ 7. Soraarummerneq pillugu ataatsimiititaliaq aalajangersinnaavoq, kukkunersiuisutut soraarummeernermit allattariarsornikkut misilitsinneq ukiumut ataasiaannaangitsumik ingerlanneqassaaq. Misilitsinnissamut nalunaarnissamut piffissarititaasooq aammalu misilitsinnerup ulloq ingerlanneqarfissaata tamanut saqqummiunneqarnissaanut ulloq kingullerpaajusussaaq ataatsimiititaliap aalajangersassavai. § 6, imm. 2 aamma 5, 1. imm., aamma imm. 7, assinganik atuutissapput.

Imm. 2. Ataatsimiititaliap imm. 1 malillugu aalajangiinera Erhvervsstyrelsenimit akuerineqassaaq.

§ 8. Kukkunersiuisutut soraarummeernermit oqaluttariarsornikkut misilitsinnermut peqataasinnaannissamut, allattariarsornermik misilitsinnermit angusisimanissaaq piumasaaqataavoq.

Imm. 2. Oqaluttariarsornikkut misilitsinneq angusiffioreersimassaaq kukkunersiuisup allattariarsornermik misilitsinnermik ukiumi angusisimaneraniit kingusinnerpaamik ukiut arfineq marluk ingerlareerneranniit.

Imm. 3. Pisuni immikkut ittuni soraarummeerneq pillugu ataatsimiititaliap immikkut akuersinikkut imm. 2 saneqqussisnaavaa. Immikkut akuersissuteqarnissamut noqqaassuteqarneq ataatsimiititaliami tiguneqareersimassaaq ukiumi pineqartumi ukiup affaata siuliani misilitsinnermut kingusinnerpaamik 1. marts aammalu ukiup affaata aappaani misilitsinnermut kingusinnerpaamik 1. september.

Immikkut ittumik misilitsinneq, tak. kukkunersiuisut pillugit inatsimmi § 9, imm. 3, kunngip peqqussutaatigut Kalaallit Nunaannut atuutilersinneqartumi

§ 9. Immikkut misilitsinnermut § 1, imm. 2-mi taaneqartumut innersuussuteqarnissamut piumasaaqataavoq, nalunaarnissamut piffissarititaasup iluani, pineqartup akuersissutaata

ukiut pingasut sinnerlugit ingerlanerini toqqorsimaneranut, atorunnaarsinneqarsimaneranut, utertinneqarsimaneranut imaluunniit arsaarinnissutigineqarsimaneranut uppersarnaarsa. Akuersissut arsaarinnissutigineqarsimappat piumasaqaataavoq, piffissami misilitsiffissami arsaarinninnerup qaangiussimanissaata uppersarneqarnissaa.

Imm. 2. Immikkut ittumik misilitsinneq oqaluttariarsornikkut pissaaq aammalu pisariaqartitsineq naapertorlugu ingerlanneqassalluni.

Imm. 3. Misilitsinnermut innersuussuteqarniarluni qinnuteqaat FSR - danskit kukkunersiuisunut tunniunneqassaaq ilusilerlugu FSR danskit kukkunersiuisut aalajangersaanerata malillugu. Immikkut misilitsinnissamut innersuussut FSR - danskit kukkunersiuisuini tiguneqareesimassaaq kingusinnerpaamik qaammatip 1.-ani, qaammammi kandidatip misilitsinnerup ingerlanneqarfissaatut kissaatigisaani.

Inunnut nunani allani inatsisitigut piumasaqaataasumik kukkunersiuinissamut akuerisanut piukkunnassuseq pillugu misilitsinneq

§ 10. Piukkunnassuseq pillugu misilitsinnermut § 1, imm. 3-mi taaneqartumut innersuussuteqarnissamut piumasaqaataavoq, nalunaarnissamut piffissarititaasup iluani, kukkunersiuisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 10, imm. 2 malillugu, Erhvervsstyrelsenip pineqartoq misilitsinnissaanut akuerisimassagaa.

Imm. 2. Piukkunnassuseq pillugu misilitsinneq oqaluttariarsornerussaaq aammalu ukiumut marloriarluni ingerlanneqassalluni kukkunersiuisutut soraarummeernermit oqaluttariarsornikkut misilitsinnermut atatillugu.

Imm. 3. Piukkunnassuseq pillugu misilitsinnermut innersuussuteqarniarluni qinnuteqaat FSR - danskit kukkunersiuisunut tunniunneqassaaq ilusilerlugu FSR danskit kukkunersiuisut aalajangersaanerata malillugu. Innersuussut FSR - danskit kukkunersiuisuni tiguneqareesimassaaq ukiumi pineqartumi kingusinnerpaamik 1. april ukiup affaata siuliani misilitsinnermut aammalu kingusinnerpaamik 1. oktober ukiup affaata aappani misilitsinnermut. Erhvervsstyrelseni pisuni immikkut ittuni, immikkut akuersissuteqarnikkut 2. imm.-mi piffissarititaasunik saneqqussinnaavoq.

Kapitali 3

Soraarummeernerit aamma misilitsinnerit imarisaat aamma taakkuninnga naliliineq

Soraarummeersitsisut aamma censorit

§ 11. Allattariarsornikkut soraarummeernerit soraarummeersitsisumit kiisalu censorimit naliliiffigineqassapput. Soraarummeersitsisoq aammalu censori kukkunersiuisuussapput naalagaaffimmit akuerisat.

Imm. 2. Oqaluttariarsornikkut soraarummeernerit soraarummeersitsisumit kiisalu censorinit marlunnit naliliiffigineqassapput. Soraarummeersitsisoq kukkunersiuisuussaaq naalagaaffimmit akuerisaq. Censori ataaseq kukkunersiuisuussaaq naalagaaffimmit akuerisaq, aammalu censorip aappaa tassaassaaq inuk kukkunersiuisutut akuerisaanngitsaq. Censori kingulliullugu taaneqartoq kukkunersiuisuni akuerisani atorfeqarsimassanngilaq imaluunniit suliffeqarfimmik kukkunersiuisut peqatigalugit ingerlataqarsimassanngilaq ukiuni kingullerni pingasuni censoritut toqqagaani tikillugu, tak. § 17, imm. 4.

Imm. 3. Censori aamma soraarummeersitsisoq qinersinerup nalaani saqqummiineq aamma karakteriliineq pillugit allattuissapput maalaaruteqartoqarsinnaaneranut tunngatillugu suliaqartoqarsinnaaneranut atugassanik. Allattukkat minnerpaamik ukiumi ataatsimi toqqortaatigineqassapput, aammalu maalaaruteqartoqarnerani suliap naammassinissaata tungaanut.

Imm. 4. Soraarummeersitsisut aamma censorit atuuffiat pisortat ingerlatsinerat pillugu inatsimmi, kunngip peqqussutaatigut Kalaallit Nunaannut atuutilersinneqartumi, ilaatinneqarpoq, tassunga ilagitillugit akuliussinnaannginneq aammalu nipangiussisussaataaneq pillugu malittarisassat.

Kukkunersiuisutut soraarummeerneq

§ 12. Kukkunersiuisutut soraarummeerrnermi allattariarsornikkut aamma oqaluttariarsornikkut misilitsinnerit kandidatip, kukkunersiuisut naalagaaffimmit akuerisat atuuffiini, suliaqarnikkut pisinnaasaanik takutitsissapput, tak. § 1, imm. 2 aamma 3, kukkunersiuisut pillugit inatsit, kunngip peqqussutaatigut Kalaallit Nunaannut atuutilersinneqartoq.

Imm. 2. Allattariarsornikkut misilitsinneq ullut marluk ingerlanneqassaaq ullut tamaasa akunnerni arfinilinni. Misilitsinneq apeqqutinik takisuunik akissutilinnik, apeqqutinik naatsunik akissutilinnik, multiple choice-nik kiisalu kisitsinernik imaqarsinnaavoq aammalu makkuninnga tunngassuteqassalluni:

- 1) Suliaqarnermi ileqqorissaarneq aammalu attuumassuteqannginneq, tassunga ilagitillugit kukkunersiuisup atorfininnera aamma soraarnera, suliaassamat akuersineq, aningaasaqarnikkut pinerlunnerit pillugit nalunaarusiorneq, nipangiussisussaataaneq, aamma pitsaassutsimik aqutsineq.
- 2) Kukkunersiuisut aamma suliaqarnikkut piginnaasat.
- 3) Inatsisitigut piunasaqaatit aamma kukkunersiuisuunermik aammalu akuersissuteqarnermik nalunaarutiginninnermik allanik suliaqarnermi suleriaatsit nalinginnaasut.
- 4) Nunarsuami kukkunersiuisuariaatsit nalinginnaasut.
- 5) Naatsoruuserinermik atuagarsorneq aamma tunngaviit nalinginnaasut.
- 6) Inatsisitigut piunasaqaatit aamma ukiumut naatsorsuutinik aamma naatsorsuutinik isumannaallisakkanik suliaqarnermi suleriaatsit nalinginnaasut.
- 7) Nunarsuami naatsorsuusiaarsiat nalinginnaasut.
- 8) Naatsorsuutinik misissuineq.
- 9) Ingerlatsinermi naatsorsuuserineq aamma suliffeqarfiup iluani naatsorsuutit.
- 10) Navianaataasinnaasunik aqutsineq aamma suliffeqarfiup iluani misissuineq.

Imm. 3. Suliaqarfik imaluunniit suliaqarfiit tulliuttut allattariarsornermik misilitsinnermi ilaatinneqassapput imatut annertugisumik, kukkunersiuisuunermut imaluunniit akuersissutinik nalunaarutiginninnermut pingaaruteqarnerannut naapertuisumik:

- 1) Ingerlatseqatigiiffiit pillugit inatsit aamma suliffeqarfinnik aqutsineq.
- 2) Akiliisinnaajunnaarneq pillugu inatsit aamma pigisanik suliarinninnerit assingusut pillugit malittarisassat.
- 3) Akileraartarnermi inatsit.
- 4) Innuttaasunut inatsit aamma inuussutissarsiornermut inatsit.
- 5) Sulinermut inatsit aamma inooqataanermik isumannaarineq.
- 6) Informationsteknologi aamma computersystemit.
- 7) Ingerlatsinermi aningaasaqarneq, nunap aningaasaqarnera aamma aningaasaliineq.
- 8) Kisitsineq aamma kisitsisitigut takussutissiorneq.
- 9) Suliffeqarfiit aningaasaqarnermik aqutsinerinut tunngaviit.

Imm. 4. Allattariarsornikkut misilitsinnerup kandidatip suliaqarnikkut pisinnaasaanik takutitsissaaq aammalu suliaqarfiit imm. 2-mi taaneqartut pineqassallutik. Aammattaaq suliaqarfiit imm. 3-mi taaneqartut misilitsinnermi ilanngunneqarsinnaapput imatut annertutigisumik, kukkunersiuisuunermut imaluunniit akuersissutinik nalunaarutiginninnermut pingaaruteqarnerannut naapertuisumik.

Imm. 5. Peqqissuseq imaluunniit pissutsit immikkut illuinnartut pissutigalugit, Soraarummeerneq pillugu ataatsimiititaliap tunngavilersukkamik qinnuteqartoqarneratigut allattariarsornermik misilitsinnermut piffissamik ilasinertik pillugu kandidati nalunaarfigisinnaavaat. Qinnuteqaat sapinngisamik Soraarummeerneq pillugu

ataatsimiititaliamut nalunaarutigineqassaaq piffissarititaasup qaangiutinnginnerani, tak. § 6, imm. 3, 1. imm. Ataatsimiititaliap siulittaasoq piginnaatissinnaavaa suliani erseqqissarneqartuni 1. imm.-kkoortumi ilaatinneqartuni aalajangiisinnaanermik.

§ 13. Allattariarsornermik misilitsinneq immukkut naliliiffigineqassaaq aamma oqaluttariarsornermik misilitsinneq immukkut naliliiffigineqassaaq. Nalilinermi karakterit »angusivoq« aamma »angusinngilaq« atorneqassapput.

Imm. 2. Kukkuersiuisutut soraarummeernermi angusiniaraanni piumasaqaataavoq, kandidatip allattariarsornermik misilitsinnermi aamma oqaluttariarsornermik misilitsinnermi »angusivoq«-mik karakterilerneqarnissaa.

§ 14. Kukkuersiuisutut soraarummeernermi angusinermut FSR - danskit kukkuersiuisut soraarummeernermut uppernarsaammik suliaqassapput.

Immikkut misilitsinneq, tak. § 9, imm. 3, kukkuersiuisut pillugit inatsit, kunngip peqqussutaatigut Kalaallit Nunaannut atuutilersinneqartoq.

§ 15. Immkkut misilitsinnerup § 1, imm. 2-mi taaneqartup, takutissavaa kandidateq kukkuersiuisutut soraarummeernermi suliaqarfinnut oqaluttariarsornermik misilitsinnermut ilaatinneqartunut tunngatillugu qaffasissutsikkut naammattumik inissisimanera (masterniveau), tak. § 12, imm. 4.

Imm. 2. Nalilinermi karakterit »angusivoq« aamma »angusinngilaq« atorneqassapput. Misilitsinnermi angusiniaraanni piumasaqaataavoq, kandidatip misilitsinnermini »angusivoq«-mik karakterilerneqarnissaa.

Imm. 3. Immikkut ittumik misilitsinnermi angusinermut FSR - danskit kukkuersiuisut soraarummeernermut uppernarsaammik suliaqassapput.

Inunnut nunani allani inatsisitigut piumasaqaataasumik kukkuersiuiinissamut akuerisanut piukkunnassuseq pillugu misilitsinneq

§ 16. Piukkunnassuseq pillugu misilitsinnerup § 1, imm. 3-mi taaneqartup takutissavai, kandidatip suliaqarinnikut pisinnaasai, suliaqarfinni § 12, imm. 2-mi aamma 3-mi taaneqartuni, taakkunani Danmarkimi inatsisitigut piumasaqaataasumik kukkuersiuiinermik ingerlatsinissamut pisariaqarluni danskit inatsisaannik aamma suleriasiinik ilisimasaqarnissaa.

Imm. 2. Inunnut, nunami inatsisitigut piumasaqaataasumik ukiumut naatsorsuutininik aamma naatsorsuutininik isumannaallisakkanik kukkuersiuiinissamut Europa-Parlamentip aamma Rådetip malitassiaanik naammassinissimanngitsumi, aammalu EU-p isumaqatigiissuteqarfigisimanngisaani, inatsisitigut piumasaqaataasumik kukkuersiuiinissamut akuerisaasunut piukkunnassuseq pillugu misilitsinneq suliaqarfinnut allanut tunngasunik ilallugu annertunerulersinneqarsinnaavoq.

Imm. 3. Nalilinermi karakterit »angusivoq« aamma »angusinngilaq« atorneqassapput. Piukkunnassuseq pillugu misilitsinnermi angusiniaraanni piumasaqaataavoq, kandidatip misilitsinnermini »angusivoq«-mik karakterilerneqarnissaa.

Imm. 4. Piukkunnassuseq pillugu misilitsinnermi angusinermut FSR - danskit kukkuersiuisut soraarummeernermut uppernarsaammik suliaqassapput.

Kapitali 4

Soraarummeerneq pillugu ataatsimiititaliap suliassai

§ 17. Soraarummeerneq pillugu ataatsimiititaliaq makkununga najoqqutassanik erseqqinnerusunik aalajangersaassaaq:

1) Misilitsinnermi aamma soraarummeernermi § 1-imi taaneqartuni imarisat aamma periaatsit.

2) Misilitsinnerni aamma soraarummeernerni § 1-imi taaneqartuni soraarummeersitsisut aamma censorit peqataanerat.

3) Misilitsinnerni aamma soraarummeernerni § 1-imi taaneqartuni peqataanermut akiliutip aalajangersarneqarnera.

Imm. 2. Soraarummeerneq pillugu ataatsimiititaliap najoqqutassani, tak. imm. 1, misilitsinnerni qarasaasianik atuineq pillugu malittarisassanik aalajangersaasinnaavoq.

Imm. 3. Soraarummeerneq pillugu ataatsimiititaliap najoqqutassiai Erhvervsstyrelsenimit akuerineqassapput.

Imm. 4. Allattariarsornermik aamma oqaluttariarsornermik misilitsinnernut soraarummeersitsisut aamma censorit FSR - danskit kukkundersiuisunit innersuussutigineqassapput, aamma Soraarummeerneq pillugu ataatsimiititaliamit qinerneqassallutik aammalu soraarsinneqassallutik. Qinersineq ukiunut marlunnet pissaaq. Qinerneqaqqinneq pisinnaavoq.

Imm. 5. Soraarummeerneq pillugu ataatsimiititaliaq § 8, imm. 3-mut, aamma § 12, imm. 5-imut tunngatillugu aalajangiisassaaq, aammalu soraarummeernerup ingerlanneqarnera aammalu naliliisoqarnera pillugu maalaarutininik suliaqartassaaq, tak. §§ 19 aamma 20.

Imm. 6. Soraarummeerneq pillugu ataatsimiititaliaq soraarummeernermit malittarisassanik unioqqutitsinerit pillugit suliani aalajangiisassaaq, tassunga ilagitillugu soraarummeernermit putusaarineq, tak. § 21.

Kapitali 5

FSR - danskit kukkundersiuisut suliassat

§ 18. Najoqqutassiat Soraarummeerneq pillugu ataatsimiititaliap aalajangersagai tunngavigalugit, soraarummeernerit aamma misilitsinnerit § 1-imi taaneqartut FSR - danskit kukkundersiuisut ingerlattassavaat, tak. § 17, imm. 1 aamma 2, aammalu kandidatit misilitsinnernut aammalu soraarummeernernut nalunaarsimasut innersuussuteqarnermut piunasaqaatinik naammassinnissimanagerat misissortassallugu. Ilaliussaq 1-imi allaqqapput suliassat, tamatumunnga atatillugu FSR - danskit kukkundersiuisut isumagisassaat.

Imm. 2. FSR - danskit kukkundersiuisut § 1-imi taaneqartunut soraarummeernernut nalunaarnernut aamma peqataaniarunnaarnernut piunasaqaatit erseqqinnerusut aalajangersassavaat, tassunga ilagitillugit soraarummeernernut aamma misilitsinnernut peqataanermut akiliinissamut tunngatillugu piffissarititaasut.

Imm. 3. FSR - danskit kukkundersiuisut soraarummeernerit § 1-imi taaneqartut pillugit Erhvervsstyrelseni suleqatigissavaat aammalu paasissutissanik avitseqatigisarlugu. Pisortat ingerlatsinerat pillugu inatsimmi akuliussinnaangineq aammalu nipangiussisussaataaneq pillugit malittarisassat, kunngip peqqussutaatigut Kalaallit Nunaannut atuutilersinneqartut, FSR - danskit kukkundersiuisut misilitsinnernik aammalu soraarummeernernik ingerlatsinerinut atuutissapput, soorluttaaq FSR - danskit kukkundersiuisut nipangiussisussaataasut paasissutissanik Erhvervsstyrelsenimit tigusimasaminnut tunngatillugu.

Imm. 4. Inunnet, FSR - danskit kukkundersiuisunit misilitsinnerni aamma soraarummeernerni atugassanik soraarummeernissamut suliassanik suliaqarnissamut toqqagaasunut imaluunniit suliaqarnermi peqataasunut, pisortat ingerlatsinerat pillugu inatsimmi, kunngip peqqussutaatigut Kalaallit Nunaannut atuutilersinneqartumi, akuliussinnaangineq aammalu nipangiussisussaataaneq pillugit malittarisassat atuutissapput.

Imm. 5. FSR - danskit kukkundersiuisut pilerisaarinermit imaluunniit allatut iluanaaruteqarumalluni nittarsaassinermit atatillugu misilitsinnissanut imaluunniit soraarummeernissanut nalunaarnernut atatillugu paasissutissat tigusatik atorsinnaangilaat.

Imm. 6. FSR - danskit kukkundersiuisut soraarummeernermit allattariarsornermik suliat kingorna tamanut saqqummiutissavaat, taakkununga ilitersuutaasimasut ilanngullugit

aammalu tamat takunnissinnaanerannut tunngatillugu akiliuteqarnissamik piunasaqaateqarsinnaanatik.

Imm. 7. FSR - danskit kukkunersiuisut ukiumoortumik aammalu kingusinnerpaamik ulloq 1. marts soraarummeernernik assigiinngitsunik ingerlatsisimanerminnut ukiup suliani naatsorsuutitik Soraarummeerneq pillugu ataatsimiititaliamut nassiuttassavaat. Aamma piffissarititaasoq taanna pitinnagu FSR - danskit kukkunersiuisut ukiumi atuuttumi soraarummeernernik assigiinngitsunik ingerlatsinissamut missingersuutitik ataatsimiititaliamut nassiuttassavaat.

Imm. 8. Erhvervsstyrelseni kukkunersiuisut pillugit inatsimmi, kungip peqqussutaatigut Kalaallit Nunaannut atuutilersinneqartumi, § 32, imm. 3 malillugu akisussaasuulluni oqartussatut, soraarummeernernik aamma misilitsinnernik § 1-imi taaneqartunik FSR - danskit kukkunersiuisut ingerlatsinerannik nakkutiginnaasaq. Styrelseni tassunga atatillugu pisunut eqqaaneqartunut tunngatillugu peqqussuteqarsinnaavoq.

Kapitali 6

Maalaaruteqarsinnaaneq

§ 19. Soraarummeerneq pillugu maalaarut, tassunga ilagitillugu soraarummeernermik naliliineq, misilitsittumiit FSR - danskit kukkunersiuisunut tunniunneqarsinnaavoq. Maalaarut, allakkatigoortussaq aamma tunngavilersorneqarsimasussaq, misilitsinnerup inernerata misilitsittumut nalunaarutigineqarsimaneraniit kingusinnerpaamik sapaatit akunneri marluk qaangiunneranni tiguneqareersimassaaq.

Imm. 2. Makkua ilaatigut maalaarutigineqarsinnaapput

- 1) apeqqutit inatsisinut tunngasut,
- 2) soraarummeernermut tunngavigineqartoq (apeqqutit, suliassat aamma assigisaat),
- 3) misilitsinnerup ingerlanera aamma
- 4) naliliineq.

Imm. 3. Maalaarut naliliinermut imaluunniit pissutsinut allanut tunngassuteqarpat, naliliisunut attuumassuteqartumik, FSR - danskit kukkunersiuisut maalaarut piaartumik soraarummeersitsisumut aamma censorimut saqqummiutissavaat, taakkua sapaatit akunneri marluk piffissaqassallutik naliliineq il. il. pillugit oqaaseqaateqarnissamut, tassunga ilagitillugu maalaarut pillugu innersuussuteqarneq. Maalaaruteqartoq naliliisut oqaaseqaataannut minnerpaamik sapaatip akunnera ataaseq piffissaqartinneqarluni oqaaseqarfiginnissuteqarnissamut periarfissinneqassaaq.

Imm. 4. Soraarummeerneq pillugu ataatsimiititaliaq naliliisut oqaaseqaataat aammalu maalaaruteqartup oqaaseqarfiginnissutaa tunngavigalugit imm. 2 malillugu aalajangiissaaq.

Imm. 5. Maalaarummik suliaqarneq sapinngisamik naammassineqareersimassaaq aammalu suliarinninnerup inernerata maalaaruteqartumut nalunaarutigineqareersimassaaq maalaarutip pineqartup FSR - danskit kukkunersiuisunit tiguneqarsimaneraniit kingusinnerpaamik sapaatit akunneri arfinillit qaangiunneranni.

§ 20. Soraarummeerneq pillugu ataatsimiititaliap aalajangiinera, allakkatigoortussaq aamma tunngavilersorneqarsimasussaq, makkununga tunngasinnaavoq

- 1) naliliineq nutaaq (nalileeqqinneq), taamaattoq oqaluttarsiarsornermik misilitsinnermiunngitsaq,
- 2) misilitsinneq nutaaq (misilitseqqinneq), imaluunniit
- 3) maalaaruteqartup maalaarutaa pillugu isumaqatigineqannginnera.

Imm. 2. Nalileeqqinnissami FSR - danskit kukkunersiuisut piaartumik soraarummeersitsisussamik aamma censorimik nutaanik toqqaassapput. Nalileeqqittussanut suliamut tunngasut saqqummiunneqassapput, tassunga ilagitillugit suliaq, akissut, maalaarut, naliliisimasut oqaaseqaataat aammalu maalaaruteqartup oqaaseqarfiginnissutai.

Imm. 3. Nalileeqqinnermi naliliineq Soraarummeerneq pillugu ataatsimiititaliamut nalunaarutigineqassaaq naliliinermik allakkatigut tunngavilersuinikkut. Ataatsimiititaliap

maalaaruteqartoq naliliineq aamma naliliinermut tunngavilersuutit pillugit nalunaaruteqarfigissavaa.

Imm. 4. Nalileeqqinnermi naliliineq inaarutaasuvoq aammalu allaffissornikkut oqartussa qarfimmu allamut tunniunneqarsinnaanani.

Kapitali 7

Soraarummeerneq pillugu malittarisassanik unioqqutitsineq, tassunga ilagitillugu soraarummeernermi putusaarineq

§ 21. Soraarummeernermi naliliisut, kandidatip soraarummeernermi malittarisassanik unioqqutitsineranik tunngavilimmik pasitsaassa qarunik, tassunga ilagitillugit soraarummeernermi putusaarineq, imaluunniit taamaalioriaraluarneq, tamanna pillugu naliliisut piaartumik Soraarummeerneq pillugu ataatsimiititaliamut nassuiaateqassapput. Tamanna aamma atuuppoq, FSR - danskit kukkunersuisut § 1-imi taaneqartunik soraarummeernernik aamma misilitsinnermik ingerlatsinermut atatillugu, kandidatip soraarummeernermi malittarisassanik unioqqutitsineranik tunngavilimmik pasitsaassa qarpat, tassunga ilagitillugit soraarummeernermi putusaarineq, imaluunniit taamaalioriaraluarneq. Ataatsimiititaliap kandidati periarfississavaat nassuiaat pillugu oqaaseqarfiginninnissaanut minnerpaamik sapaatip akunnera ataaseq piffissarititaasup iluani.

Imm. 2. Soraarummeerneq pillugu ataatsimiititaliaq FSR - danskit kukkunersuisunit nassuiaat aamma kandidatip oqaaseqarfiginninnissutigisimasinnaasai tunngavigalugit aalajangiissapput. Aalajangiinnermi ataatsimiititaliaq imaaliorsinnaavoq:

- 1) Kandidati mianersoqqussummik tunisinnaavaa.
- 2) Misilitsinneq pineqartoq atorunnaarsissinnaavaa.
- 3) Piffissami aalajangersimasumi kandidati soraarummeernerni aamma misilitsinnerni § 1-imi taaneqartuni peqataasinnaajunnaartillugu peersissinnaavaa.
- 4) soraarummeernerni aamma misilitsinnerni § 1-imi taaneqartuni peqataasinnaajunnaartillugu piujuartumik peersissinnaavaa.

Imm. 3. Kandidatip karakterii t gummigallar neqassapput, Soraarummeerneq pillugu ataatsimiititaliap imm. 2 malillugu aalajangiinissaata tungaanut. Ataatsimiititaliap aalajangiinissaa sioqqullugu kandidati soraarummeernernik aamma misilitsinnernik § 1-imi taaneqartunik ingerlataqarsinnaanngilaq.

Imm. 4. Soraarummeerneq pillugu ataatsimiititaliaq imm. 2, nr. 1-4 malillugit aalajangiippat, taava kandidati soraarummeernerni imaluunniit misilitsinnerni pineqartumi peqataanermut akiliutiminik utertitsinissamut pininnaatitaanngilaq.

Imm. 5. Soraarummeerneq pillugu ataatsimiititaliap imm. 2, nr. 1-4 malillugit aalajangiinera, allaffissornikkut oqartussa qarfimmu allamut tunniunneqarsinnaanngilaq.

Kapitali 8

Aalajangersakkat allat

§ 22. Erhvervsstyrelseni paasissutissanik toqqorsisarneq pillugu najoqqutassianik aalajangersaasinnaavoq, styrelsenip suliassanik uani nalunaarummi ilaatinneqartunik sularinninnermut aamma aalajangiinermut atatillugu tigusimasaanut tunngatillugu, tassunga ilagitillugu paasissutissanik toqqorsinerup piffissatigut sivisussusissaa pillugu.

Kapitali 9

Atuutilersitsinermut aamma ikaarsaariarnermut aalajangersakkat

§ 23. Nalunaarut atuutilissaaq ulloq 15. april 2024.

Imm. 2. Kukkunersiuisut akuerisaasut soraarummeertarnerat pillugu Kalaallit Nunaannut nalunaarut nr. 800, 28. juli 2008-meersoq atorunnaassaaq.

§ 24. 2024-mi kukkunersiuisutut soraarummeernermi allattariarsornikkut misilitsinneq §§ 25-miit 27-mut malillugit ingerlanneqarsinnaavoq.

§ 25. Inuk 2024-mi kukkunersiuisutut allattariarsornikkut soraarummeernermi modul A-mut, B-mut imaluunniit C-mut innersuussuteqarsinnaavoq, tak. imm. 2, pineqartoq uuma nalunaarutip atuutilersinneqarnissaa sioqqullugu modul A-mi, B-mi imaluunniit C-mi imaluunniit modulini amerlanerusuni angusisimappat, kukkunersiuisut akuerisaasut soraarummeertarnerat il. il. pillugit nalunaarummi nr. 1045, 30. juni 2016-imeersumi malittarisassat naapertorlugit.

Imm. 2. 2024-p kingorna modul A, B aamma C ingerlanneqassanngillat.

Imm. 3. Modul A-mut, B-mut imaluunniit C-mut nalunaartut amerlassusaannut naapertuuppat, Soraarummeerneq pillugu ataatsimiititaliaq aalajangiisinnaavoq, soraarummeerneq modulimut pineqartumut tunngasoq oqaluttariarsornermik misilitsinnerussasoq imaluunniit paarlaassinikkut suliassamik tunniussinerussasoq kingornatigut oqaluttariarsornikkut illersorneqartussamik. Tamanna pillugu ataatsimiititaliaq malittarisassanik erseqqinnerusunik aalajangersaassaaq. Ataatsimiititaliap aalajangiinera Erhvervsstyrelsenip akuerissavaa.

Imm. 4. Modul A-mut, B-mut imaluunniit C-mut imaluunniit modulunut amerlanerusunut nalunaarneq FSR - danskit kukkunersiuisunut tunniunneqassaaq ilusilerlugu FSR - danskit kukkunersiuisunit aalajangersarneqarsimasumik. Nalunaarneq FSR - danskit kukkunersiuisunit kingusinnerpaamik tiguneqareersimassaaq ulloq 1. juni 2024.

§ 26. Kukkunersiuisutut soraarummeernermi allattariarsornikkut misilitsinnermi modul A-mi aamma B-mi soraarummeernermit kukkunersiuisut akuerisaasut soraarummeertarnerat il. il. pillugit nalunaarummi nr. 1045, 30. juni 2016-imeersumi § 11, imm. 2 aamma 3 atuutissapput.

Imm. 2. Modul C-mi allattariarsornikkut soraarummeernermi, akunnernik sisamanik sivissuseqartumi, suliaqarfinnut tunngatillugu nalunaaruteqarnikkut akuersissuteqarnerit isumannaakkat allat pineqassapput, tak. § 1, imm. 2, kukkunersiuisut pillugit inatsimmi, kunngip peqqussutaatigut atuutilersinneqartumi, aamma akuersissuteqarluni nalunaaruteqarnerit allat, tak. § 1, imm. 3, kukkunersiuisut pillugit inatsimmi, kunngip peqqussutaatigut atuutilersinneqartumi, kiisalu uani nalunaarummi § 12, imm. 3-mi suliaqarfiit taaneqartut, imatut annertussuseqartumik, akuersissuteqarluni nalunaaruteqarnernut pingaaruteqarnerinut naapertuuttumik.

Imm. 3. Modul A-mik, B-mik aamma C-mik ingerlatsinnermut aamma naliliinnermut § 2, imm. 1, § 6, imm. 7, § 11, imm. 1, 3 aamma 4, § 13, imm. 1, 2. imm., aamma §§ 17-22 atuutissapput, pisariaqartitsineq naapertorlugu tulluussarneqarlutik.

Imm. 4. Modul A-mi, B-mi aamma C-mi peqataanermut FSR - danskit kukkunersiuisut akiliisitsissapput. Akiliutip annertussusaata 2020-mi modulini tamani peqataanermut akiliutigineqartoq, 1. januar akinut aamma akissarsianut qaffasissutsimik iluarsineq ilanngullugu naliginnaasunut naleqqussaneqartoq ukiuni 2021-23 qaangersinnaanngilaa. Akiliummut ilaatinneqarput aningaasartuutit, soraarummeernerup ingerlanneqarnissaanut pisariaqartut, tassunga ilagitillugit akissarsianut aamma allaffissornermut aningaasartuutit. Modul A-mik, B-mik aamma C-mik ingerlatsinnermi sinneqartoorneq imaluunniit amigartoorneq, isertitat/aningaasartuutit katinnerini ilanngunneqassaaq, § 1-imi taaneqartunik allattariarsornikkut misilitsinnernut aamma soraarummeernerut atatillugu.

§ 27. Inuk, § 25, stk. 1-imi ilaatinneqartoq, allattariarsornikkut misilitsinnissamut innersuussuteqarluni, tak. § 6, imm. 3, taava 2024-mi kukkunersiuisutut soraarummeernermi allattariarsornikkut misilitsinnermut pineqartoq modulunut A-mut, B-mut imaluunniit C-mut innersuussinnaanngilaaq.

Imm. 2. Soraarummeerneq pillugu ataatsimiititaliaq, pissutsit immikkut illuinnartut tunngaviuppata, immikkut akuersilluni imm. 1-imik saneqqussisinnaavoq. Tamatumunnga noqqaassuteqarneq ataatsimiititaliamut tunniunneqassaaq kingusinnerpamik ulloq 1. juni 2024

§ 28. Taanna, kukkunerisiusut akuerisaasut soraarummeertarnerat il. il. pillugit nalunaarummi nr. 1045, 30. juni 2016-imeersumi malittarisassat malillugit kukkunerisiusutut soraarummeernermit allattariarsornikkut misilitsinnermi angusisimasoq, § 8, imm. 1-imi piunnaasaqaammik naammassinnissimasutut isigineqassaaq. Taamaaqataa atuuppoq taasumunnga, § 25 aamma §26 malillugit modulini A-mi, B-mi aamma C-mi angusisimasumut, tassunga ilagitillugu moduli ataaseq imaluunniit marluk ulloq 1. januar 2021 sioqqullugu angusiffiusimappata, nalunaarummi 1. imm. malillugu.

Erhvervsstyrelsen, ulloq 10. april 2024

Jørgen Wissing Jensen

/ Philip Frey

Ilaliussaq 1

Misilitsinnerit aamma soraarummeernerit § 1-imi aamma § 25-mi taaneqartut ingerlanneqarnissaannut atatillugu suliassat FSR – danskit kukkunerisiusunit isumagineqartussatut naatsorsuutigineqartut

1. Nittartakkamik aqqissuussineq aammalu ataavartitsineq soraarummeernerit aamma misilitsinnerit pillugit paasissutissartalimmik aamma ilitersuutitalimmik, tassunga ilagitillugu nalunaarneq,
2. Nalunaarneq il. il. pillugit apeqqutinut atatillugu kandidatinit ilitersuineq, tassunga ilagitillugu immikkut akuersissutinik pissarsisinnaaneq,
3. Nalunaarnernik aamma peqataaniarunnaarnerusinnaasunik nalunaarsuineq, tassunga ilagitillugu FSR – danskit kukkunerisiusunut tamakkuninnga tiguseranni piffissanik nalunaarsuineq,
4. Misilitsinnermut/soraarummeernermit pineqartumut innersuussuteqarnermut piunnaasaqaataasunik naammassinninnerup piffissami innersuussiffiusumi kandidatinit nalunaarsimasunik misissuineq,
6. Soraarummeernerit aamma misilitsinnerit ingerlanneqarnissaannut avatangiisinut tigussaasunut tunngatillugu inunnik pingajuusunut isumaqatigiissuteqarneq aamma akissarsisitsineq,
7. Allattariarsornermik misilitsinnissami suliassap sananeqarnera, tassunga ilagitillugit suliassap tulluurtumik qaffasissuseqarnissaa, aammalu soraarummeerutissap suli tunniunneqanngitsup isertuunneqarnissaa,
8. Soraarummeersitsisunut aamma censorinut toqqarneqarsimasunut isumaqatigiissuteqarneq aamma akissarsisitsineq (angalanermut aningaasartuutinit matussusiigallarneq, hotelini najugaqarneq aammalu nerisaqarneq ilanngullugit),
9. Soraarummeersitsisut aamma censorit kandidatinit ataatsiakkaanik naliliinissamut toqqarneqartut akuiliussinnaannginnerinik isumannaarineq,
10. Soraarummeernernik (allattariarsornikkut aamma oqaluttariarsornikkut) ingerlatsinnermut atatillugu kiffartuussisussanik, nakkutilliisussanik il. il. sulisitsineq,
11. Soraarummeernerit aamma misilitsinnerit ingerlanneqarnerisa ilisimatusarfinni soraarummeernernik ingerlatsinnermi tunngaviit assigalugit ingerlanneqarnissaannik isumannaarineq,
12. Allakkatigut akissutit soraarummeersitsisunut/censorinut saqqummiunneqartarnerinik suliaqarneq,

13. Allattariarsornermik misilitsinnerit inernerisa kandidatinut nalunaarutigineqarneri, tassunga ilagitillugu maalaaruteqarsinnaaneq pillugu ilitsersuineq pisariaqartoq,
14. Soraarummeerneq pillugu maalaarutininik suliaqarneq,
15. Soraarummeerneq pillugu akissutininik minnerpaamik ukiuni 5-ini toqqorsineq,
16. Misilitsinnernut aamma soraarummeernernut angusiffiusimasut pillugit soraarummeernermut uppersarsaatininik atulersitsineq, tassunga ilagitillugu uppersarsaatit taaneqartut assilinerininik toqqorsineq,
17. Kukkunersiuisutut soraarummeernermit kandidatit oqaluttariarsornermik misilitsinnermi, immikkut ittumik misilitsinnermi kiisalu piukkunnassuseq pillugu misilitsinnermi angusisimasut pillugit Erhvervsstyrelsenimut ilisimatitsineq, aamma
18. Soraarummeernerit aamma misilitsinnerit ingerlanneqarsimasut inernerit pillugit ukiumut kisitsisitigut takussutissiinikkut paasissutissanik suliaqarneq.